

江西彭澤袁梅谷纂輯

雍正庚戌年新鐫

石樓縣志

○序抄石樓縣志



夫人有志聞書而有書者吾聞之矣有志閱書而無書者吾未之聞也然有志固能有書而往往始終不達先後難及雖有志而不能達非必志不能才不足而棄之此有心不立者之所以不慨見也今於閱書見之矣余農家之也貧寒無資有志閱古書往往弗得忽一日見友人有石邑縣志一書蓋縣有志猶國有史家有譜同欲知國之大事須參考史書欲使家道整序須修家譜即縣之星象山川風水位置人物錢穀倉庫城郭學校鄉村以至古寺殘碑稿梁邱壘暨創建之時日仕

宦之更替雖一草一木一教一粟尤可知而
明之於是借而閱之約定言還期閱之甚有
興趣弗忍棄之但不肯失其信應如何矣深
而思之我人以購夫縣志刷於縣印書局必
無之是以細搜縣有舊版重新印之殊不知
縣無善人君子將版失之幾盡未能達其志
噫有志閱書而書不克始終難激等於不閱
雖然古之刷斯書者亦筆書之然後刷之豈
不書而竟刷耶曰否然則余有志親仿書之
而便於始終輒閱也不特余便之即再有繼
余之志者尤便之是自丁卯年二月上旬始書
首卷卷有邑之名勝之圖風景可愛神難禁

矣無奈素習於字未習於畫實難指圖以此
言之書其字舍其圖曰不然凡事由難而易
由易而成即以不能寧以能之於下旬告竣
遂繼二卷載註庸庸惟典禮一事實為古今
之特事叙之詳明三月上旬三卷又遂繼之
書至褚鄭諸公以及薛呼之忠覺其邑之賢
豪君子超勝於他邦倍徙獨地瘠民貧風俗
尚勤中旬四卷更遂繼之念彼昔之朝廷愛
民猶子保民如赤訓學子勤工讀尤望文風
大振科第蟬聯真所謂不世出之明君也四
月卷五卷六亦先後繼之知曉
周袁二侯治斯土誠知斯民之艱苦猶己之

艱苦於是不避險懼革弊興利遂申詳文懇
請

上憲俯恤蟻民共體斯意邑民享福萬壽無
疆迄五六已終值為暑假臨邛於是輟筆助
耕而斯志仍常有之假滿來校復繼書之而
七卷之祭表精妙雖有其文真有其神有禱
即應惟是陋俗不去利益難興而乃

袁侯巍巍訓示速除迅振庶邑之味濃蒸蒸
更勝於他邦倍蓰至於八卷銘歌序詩各載
明確真有西蜀之雲亭南陽諸葛廬以及赤
壁之遊樂桃園漁之快况雖不得赴黃雲
山之遊樂然歌之猶覺黃雲山也詩不能知

有序知之咏詩者先視其序今不重於詩而
重於詒乃邑之名勝古景以詩鳴之尤以詩
揚之且夫斯書共成八帙誰成之乎清雍正
年邑宰

袁明侯令澤斯土所以成之也彼公之成此書亦
不為易易余今雖不能繼公之成重成之亦不得
不為公之書參閱之是則課餘抽暇有志書之
而得永久輒閱尤願後有繼公之成更成之余深厚
望焉夫遂成於中秋上旬序於望日賞月之際民國
十二年端月本縣第一高等小學校畢業遂任二區
留村初級小學教員樂亭劉成智自撰并書

民國十六年八月十五日序

○序

吾友袁子梅谷纂修石樓之志既成繕為八
帙都諸志而三其藝文獨居五甚矣袁子之
湛於文而嗜也夫志猶諸史無亦惟詳搜核
討求得往昔遺事闡賢人君子之幽俾信而
可傳以不沒於後世則亦已矣豈其掇藻撫
撫績而求擅於英華之場將天下寵其文而
究何得於古之人與事也然言之不文其行
不遠惡夫所言之事不能按真肖曲而其人
之始終本末適掩於固陋畔散之詞天下讀
其文以為慚後世安所據而信之古之所稱
良史獨司馬子長絕冠惟其以曠代之才縱

橫上下古今之林每傳一人吞吐騁頓曲寫
乎事之所難明假令移其人與事而屬班范
以下諸手為之其同不同固未可知故當時
之人物事蹟得托於子長之文不可謂非遭
逢之獨幸文亦何累於道哉且其所謂文原
非徒競於詞而以掇藻摭績為足以當之也
禹貢一書不遺壤植墳墟以至篠簜菌簠龜
螭齒革羽毛之屬罔弗備具而周官職方所
載其瑣羅纖列往往近是皆無意於文而為
天下後世能文之士所莫及子長惟有得於
此故辨而不華質而不俚范蔚宗乃自謂體
大思精誠雄其文之甚然似著書自為文者

之言非所例於左右史之記言動其於禹貢
周職方之意為間矣知此意者可與論志史
之文也袁子以名進士起家文章擅海內來令
石樓起殘救敝澤物阜民循政次第舉而獨
於文教之興為三教意誠念石邑僻在萬山
中曩數被於兵不沐以詩書禮樂之化民將
野健而逞悍然弗率長上之教然不使之窮
經為文庸詎知詩書禮樂為何物也故立學
課藝朔望講貫之暇復有事於志之役今閱
所志星野津梁戶口鄉村風俗之最瑣細者
亦莫不燦然有文可誦而藝文所載則又不
過表揚忠孝節義為百姓疾苦請命期無失

悅安強教之意而已焉而未嘗徒以文自鳴
者固在此也昔文翁治蜀日導其俗與文從
事而蜀士習為之大振今石士之興起者豈
不駸駸漸澤於雅乎遲之數十年後行且家
絃戶誦有文行命世之英接踵繼出炳焉得
儕於三代兩漢之選者知必自袁子今日始
然則學不通於治信不足為文故吏如袁子
可與言文夫志之士如之文猶諸史也吾請以茲志
之序質諸袁子而繼今與之言史 皆

雍正庚戌菊月

賜進士出身翰林院檢討年家同學弟王璠
拜題

○序

士君子窮視其所守達視其所為不失其守而能有為者吾聞之矣失其守而能有為者吾未之聞也然有守固能有為而往往始終易轍前後不侔窮雖有守而達不能為非必才不足守不定而失之此有道不變者之

所以不概見也今於石樓 袁侯見之矣侯

古彭知名士也與余為文章道義之交迄今三十餘載竊見其生平甘淡泊嚴取予重然諾留心當世之務而慈祥惻怛又其天性然也私心佩服而效法之已非一日今令石樓石環邑皆山民貧賦重地僻人稀無着之積

逋至萬數千餘金雖巧婦豈能做無米之炊侯
為石民計長久欲使無着之糧有着着力請借牛
種以開新荒緩陞科以補舊欠分年開墾而民
力不勞減半催以副收而完公亦易扣養廉奏限勸鄉井以相扶持

種逋清而庭無敲朴流亡集而民享盈寧上裕
國課下利民生即此一端石民之食其福者固無

窮矣至於條陳利弊革除陋規修城池建倉
廩葺學宮護廟宇立義學以訓生儒嚴考課
以興文教傳捐銀入籍之例請均撥府學之
條葦樂籍以維風俗留花布以給孤貧買隙
地以葬難民之枯骨置義田以祭無主之游
魂求豁長餘之賦乞免缺額之丁他如詳窮

差工食之不敷准迷失人民之入籍種種善政
更樸難終迨至百廢既興更念邑志為文獻所
徵自前周侯纂脩歷年七十有餘散佚無復存
者侯乃採舊文訪故老收拾補輯使山川風土
人物井疆燦然具列誠盛典也夫躬勤勞冒
霜雪履畝稽查揆情度勢使民踴躍急公此
非素留心當世之務者能之乎惟其甘淡泊
斯能捐養廉之資以辦公惟其嚴取予斯能
革公應之陋以自潔惟其重然諾斯能取信
於

上憲信於兆人而為其所欲為惟其慈祥惻怛
於天性斯能惓惓視民如傷為之計長久而

不置夫達之所為必視乎窮之所守若侯誠
可謂有道不變者矣然非

朝廷知人善任

各憲培養曲誠亦安能使有志之士試牛刀於
盤錯荒僻之邑沐化日之舒長也哉然則侯
之得以展其才奏其績者正以遇

明良在上無掣其肘而後能能相與以有成也余
讀石志不禁懽忻鼓舞為侯慶遭際之隆而
弁言於簡末以告後來治石之君子尚冀其
因時制宜興利除弊亦如侯之為民計長久
則石民之食福自侯始將不自侯止也已

雍正十年壬子歲春王正月上元日江寧許泰文拜撰

○石樓縣志序

郡邑之有志猶國之有史家之有譜雖小大詳畧各別其備紀載垂久遠則一也天下列為郡縣如百體効順一邑不備則全體不具邑乘曷可少哉夫子刪書斷自唐虞下迄秦誓千古一大史書耳周禮小史掌邦國之志志者記也春秋所謂周志國語所謂鄭書孟氏所謂晉乘他若孔安國九州之志謂之九邱邱者聚也言九州之所有土地所生風氣所宜皆聚此書韓宣子觀書太史氏曰周禮盡在魯矣一國之史即一國之典禮一邑之志即一邑之典禮其重有如此者然而世之好詳者鑒

畧者缺甚至附會已意浮而鮮實華而弗質
質俚而弗辨劉知幾云必兼才學識三者之
長始足以任此揭奚斯謂心術正者然後用
之可也一邑者天下之象其志寧可忽哉我
國家擴疆開土久道化成幅帟廣康唐虞三代
未有若斯之極盛者恭逢

聖天子御極以來日星呈瑞河岳効靈窮陬僻壤
漸摩至治靡不戴昇平而難名大化茲叨
各憲風清弊絕時和年豐徧徵邑志以記全盛
石雖僻處山隅民風淳樸猶有陶唐氏之遺
意焉其感之也更速但前遭閭賊殘燹居民
逃竄舊志已亡順治十五年邑宰周士章於

灰燼之餘搜殘拾遺纂輯舊志僅存什一於
千百已耳閱今七十餘年余甫下車即欲纂
邑志奈積逋萬餘逃亡未復撫字為艱適值
軍需三次旦夕勤勞無暇寸晷兼以檇櫟庸
材不敢謬為增省今第就所見聞訪故老搜
殘碣拾遺篇實紀其地之星象山川風土人
物錢穀倉庫城郭學校鄉村以至古寺殘碑槁
梁邱壘暨創建之時日仕宦之更替雖一草
一木一菽一粟必驗其土地所生風氣所宜
山川之鍾毓蹊徑之易嶮靡不備載己酉季
冬全秦子燮偕邑紳士鄭炯等閱數月餘徵
其文核其事其實有補於吏治民生者寧叙